



Saksbehandlar: Einar Ulla, Sekretariat for kontrollutvala  
Sak nr.: 17/4530-12

## **Selskapskontroll av VIGO IKS - rapport**

**Kontrollsjefen rår kontrollutvalet til å gje slik tilråding:**

**Kontrollutvalet rår fylkestinget til å gjere slikt vedtak:**

1. Fylkestinget sluttar seg til vedtaket frå fylkestinget i Trøndelag fylkeskommune
2. Det vert lagt til grunn at kontrollutvalet i Trøndelag fylkeskommune føl opp vedtaket gjort av fylkestinget i eige fylke

**Vedlegg:**

- Rapport etter gjennomført selskapskontroll av VIGO IKS
- Saksframlegg for politisk behandling i Trøndelag fylkeskommune
- Fylkestinget i Trøndelag fylkeskommune sitt vedtak i sak 20/19

**Andre relevante dokument i saka:**

## **SAKSFRAMSTILLING**

### **1. Bakgrunn for saka**

KONSEK, sekretariatet for i 2017 Sør-Trøndelag fylkeskommune, tok i mars 2017 kontakt med sekretariata for fylkeskommunane i landet for å få gjennomført ein felles selskapskontroll av VIGO AS.

VIGO presenterer seg sjølv som nettstaden for deg som skal søkje vidaregåande opplæring i skule eller bedrift, fagskuleutdanning eller vaksenopplæring/realkompetansevurdering. VIGO er eigd av fylkeskommunane i landet i tillegg til Oslo kommune. Selskapet skal ta hand om utviklinga av fylkeskommunen sine IT-system innan vidaregåande opplæring. Selskapet har eit styre og eit representantskap. Representantskapet består av eit medlem frå kvar fylkeskommune i tillegg til Oslo kommune.

Bakrunnen for gjennomføring av selskapskontroll av VIGO er at selskapet står for drift og utvikling av tenester som er særskilt viktige for eigarkommunane. Selskapet har høgt budsjett, få tilsette og gjennomfører komplekse innkjøp av høg verdi. Det er i tillegg stor geografisk spreiing på eigarsida, noko som kan vere ei utfordring og ein risiko ved eigarstyringa.

Kontrollutvalet vedtok 30. mai 2017 i sak 28/17 å delta i gjennomføringa av ein felles selskapskontroll av selskapet.

### **2. Vurderingar og konsekvensar**

Kontrollutvalet v/sekretariatet mottok 8 februar i år ein rapport frå KONSEK, som no er sekretariat for kontrollutvalet Trøndelag fylkeskommune. Rapporten skulle då bli behandla 12. februar i kontrollutvalet i Trøndelag fk. Saka vart sendt til fylkestinget i Trøndelag fk, der saka vart utsett og sendt tilbake.

Kontrollutvalet behandla saka på nytt 3. april i sak 27/19, der utvalet gjorde slikt vedtak:

1. Fylkestinget ber eierrepresentanten påse at selskapet ved styret:
  - a. overholder lov om interkommunale selskaper når det gjelder utsendelse av sakliste og protokollering.
  - b. synliggjør risiko ved anskaffelser i selskapets strategier og rutiner.
  - c. fortsetter med implementering av system for internkontroll og at håndteringen av personvernopplysninger er i tråd med gjeldende lov og forskrift.
2. Fylkestinget ber eierrepresentanten i representantskapet til VIGO IKS fremme forslag innen utgangen av 2020 om:
  - a. at styret evaluerer sitt eget behov for innhente nødvendig kompetanse i styrearbeidet for å møte fremtidige utfordringer for selskapet.
  - b. at styret evaluerer selskapets behov for å etablere et permanent og bredere fagmiljø for å redusere behovet for konsulentbistand.
3. Fylkestinget tar rapporten for øvrig til orientering

Saka vart behandla i fylkestinget i Trøndelag fylkeskommune 24. april i sak 20/19, og følgjande vedtak vart gjort:

1. Fylkeskommunens sitt eierskap er i all hovedsak i tråd med politiske vedtak, selskapslovgivning og normer for god eierstyring.
2. Fylkestinget ber eierrepresentanten påse at selskapet ved styret:
  - a. overholder lov om interkommunale selskaper når det gjelder utsendelse av sakliste og protokollering.
  - b. synliggjør risiko ved anskaffelser i selskapets strategier og rutiner.
  - c. fortsetter med implementering av system for internkontroll og at håndteringen av personvernopplysninger er i tråd med gjeldende lov og forskrift.
3. Fylkestinget ber eierrepresentanten i representantskapet til VIGO IKS fremme forslag innen utgangen av 2020 om:
  - a. at styret evaluerer sitt eget behov for innhente nødvendig kompetanse i styrearbeidet for å møte fremtidige utfordringer for selskapet.
  - b. at styret evaluerer selskapets behov for å etablere et permanent og bredere fagmiljø for å redusere behovet for konsulentbistand.
4. Fylkestinget tar rapporten for øvrig til orientering

Denne saka er gjennomført i regi av kontrollutvalet i Trøndelag fylkeskommune. Oppstarten var før samanslåinga av dei to Trøndelagsfylka, og var då i regi av kontrollutvalet i Sør-Trøndelag fylkeskommune. Fylkestinget sitt vedtak er gjort på bakgrunn av rapporten frå Revisjon Midt-Norge, saksframlegget frå Konsek og tilrådinga frå kontrollutvalet. Kontrollsjefen vurderer saka som godt gjennomarbeidd, og vil rå til at den politiske behandlinga i Sogn og Fjordane fylkeskommune støtter opp om vedtaket frå Trøndelag. Det vert lagt til grunn at oppfølging av fylkestingsvedtaket i Trøndelag vert gjort av kontrollutvalet der.

### **3. Konklusjon**

Selskapskontroll av VIGO IKS er gjennomført i regi av kontrollutvalet i Trøndelag fylkeskommune. Fylkestinget har fått på plass eit vedtak i fire punkt, som går på eigaroppfølging av selskapet.

Sekretariatet rår til at den politiske behandlinga i Sogn og Fjordane støtter opp om vedtaket gjort av fylkestinget i Trøndelag fylkeskommune.

